



ANOETAKO
UDALA

06/2023 UDALEKO OSOKO BILKURA

2023KO MAIATZAREN 25EAN EGINDAKO EZOHIKO OSOKO BILKURAREN AKTA

BERTARATUTAKOAK:

ALKATEA

Pedro M^a Estanga Lasa (EH Bildu taldea)

ZINEGOTZIAK:

Saioa Tolosa Zubelzu (EH Bildu taldea)
Esther Iztueta Zelaia (EH Bildu taldea)
Aitzol Esnaola Zubeldia (EH Bildu taldea)
Amaia Urkola Arocena (EH Bildu taldea)
Mikel Olano Aburuza (EH Bildu taldea)
Agurtzane NuñezYarza (EAJ taldea)
Nuria Carbonell Miranda (EAJ taldea)
Rafael Uribarren Axpe (EAJ taldea)
Aitzol Arocena Zufiria (EAJ taldea)
Jaime Peon Ormazabal (EAJ taldea)

IDAZKARIA:

Erika Sagarzazu Camino

EZ BERTARATUTAKOAK:

Anoetako Udaletxean, 2023ko maiatzaren 25ean, arratsaldeko 18:02etan, eta ondorio horretarako deia egin ondoren, Udaleko ezohiko osoko bilkura antolatu da, Pedro M^a Estanga Lasa Alkatearen lehendakaritzapean, eta Erika Sagarzazu Camino aritu da Idazkari lanetan.

Alkatearen aginduz bilerari hasiera emanda, saio honetako gai zerrendako gaiak aztergai jarri zaizkie Udalbatzako kideei, eta gai horiei buruz ondorengo erabakiak hartu dituzte:

I. EBAZPENAK

1.- 2023KO MARTXOAREN 30EKO, APIRILAREN 27KO ETA MAIATZAREN 2KO BILKUREI DAGOZKIEN AKTAK ONESTEKO PROPOSAMENA.

2023ko martxoaren 30eko, apirilaren 27ko eta maiatzaren 2ko bilkurei dagozkien aktak aho batez onartu dituzte.

2.- 2023. URTERAKO LAN-EGUTEGIA ONESTEKO PROPOSAMENA.

Alkateak hitza hartu du eta azaldu du gai hau otsailean hasi zela lantzen. Negoziazio-mahaian ez zen akordiorik lortu langileen ordezkariekin, eta, era berean, langileek atzo egindako bileran, alkatetzaren proposamena ez onartzea eta gaia hurrengo



ANOETAKO
UDALA

korporazioarekin aztertzea erabaki zuten. Alkatea ez dago ados azken horrekin, eta gaia hurrengo udalbatza sartu baino lehen amaitu nahi du, premisa batzuk finkatuta utzi behintzat.

Proposamena honako hau da: urtean 1592 lanordu eta “Udala-itxita” hiru egun: Corpusaren hurrengo eguna, abenduaren 24a eta 31.

Idazkaritzak hitza eskatu du ohartarazteko Langileen Batzordeak ez zuela puntu horri buruzko irizpenik eman, negoziazio-mahaian ez zelako inolako akordiorik lortu eta ondoren negoziatzeke geratu zelako. Beraz, Langileen Batzordean gai hori jorratzean, negoziazio-fasean akordiorik ez zegoela eta negoziatzen jarraitzeko borondatea zegoela jakinarazi zen, eta erabaki zen hala jakinaraziko zitzaiola Osoko Bilkurari, puntu horri buruzko akordiorik hartu gabe.

Nuria Carbonell zinegotziak Idazkariak ohartarazitakoa berretsi du, eta adierazi du ez zaizkiola eman Esther Iztueta zinegotziak aipatzen dituen beste proposamenak, eta ez duela ulertzen abenduaren 24arekin eta 31rekin egindako “kontzesioa”, igandeak baitira. Esther Iztueta zinegotziak erantzun du esanez, berez, ez dela kontzesio bat, egun zehatz batzuk baizik, non Udala itxita egotea proposatzen den, urte batzuetan jaieguna izan ala ez.

Jaime Peon zinegotziak ere parte hartu du eta adierazi du, bere iritziz, langileekin akordiorik ezean, lehendik lortutako eta aplikagarri zen akordioa mantendu beharko litzatekeela, duela hiru urte inguru langileek eta korporazioak adostutakoa, korporazio berriak hobekien ikusten duen erabakia har dezan utziz. Ez du ulertzen hori azken unean egin beharra, legegintzaldia amaitu eta astebete baino lehen. Alkateak eta Estherrek erantzun dute beren barruak eskatzen diela.

Azkenean, honako proposamen hau aurkeztu da bozketarako:

- Urtean 1592 lanorduko egutegia.
- 3 egun “Udala itxita”: Corpusaren hurrengo ostirala, abenduaren 24a eta 31.
- 7 ordu eta laurdeneko lanaldia.
- 7 ordu eta laurdeneko lanaldia aplikatuta 1592tik gora sartutako orduak jaiegunekin edo ordu libreekin konpentsagarriak izango dira.

Rafael Uribarren zinegotziak hitza hartu du eta adierazi du EAJk proposatzen duela gai hori mahai gainean geratzea, ez delako akordiorik lortu negoziazio fasean eta Pertsonaleko Batzordean gai hau ez zela bozkatuko adostu zelako, horren gaineko irizpenik eman gabe.

Horiek horrela, Toki Erakundeen Antolaketa, Funtzionamendu eta Araubide Juridikoaren Erregelamendua onartzen duen azaroaren 28ko 2568/1986 Errege Dekretuaren 92.1 artikuluan xedatutakoa betez, osoko bilkurak gai-zerrendako puntu honen gaia mahai gainean uzteko eskaera bozkatu du, eta honako hau izan da emaitza:

EBAZPENA



ANOETAKO
UDALA

ALDEKO BOZKAK: Rafael Uribarren Axpe (EAJ taldea), Agurtzane NuñezYarza (EAJ taldea), Nuria Carbonell Miranda (EAJ taldea), Aitzol Arocena Zufiria (EAJ taldea) eta Jaime Peon Ormazabal (EAJ taldea). Guztira, aldeko 5 bozka.

KONTRAKO BOZKAK: Pedro M^a Estanga Lasa (EH Bildu taldea), Saioa Tolosa Zubelzu (EH Bildu taldea), Esther Iztueta Zelaia (EH Bildu taldea), Aitzol Esnaola Zubeldia (EH Bildu taldea), Amaia Urkola Arocena (EH Bildu taldea), Mikel Olano Aburuza (EH Bildu taldea). Guztira, kontrako 6 bozka.

Ondorioz, gehiengoz baztertua izan da gaia mahai gainean uzteko eskaria.

Ondoren, gai-zerrendako puntu honen xede den gaia bozkatu da, lehen proposatu bezala, eta bozketaren emaitza honako hau izan da:

EBAZPENA

ALDEKO BOZKAK: Pedro M^a Estanga Lasa (EH Bildu taldea), Saioa Tolosa Zubelzu (EH Bildu taldea), Esther Iztueta Zelaia (EH Bildu taldea), Aitzol Esnaola Zubeldia (EH Bildu taldea), Amaia Urkola Arocena (EH Bildu taldea), Mikel Olano Aburuza (EH Bildu taldea). Guztira, aldeko 6 bozka.

KONTRAKO BOZKAK: Rafael Uribarren Axpe (EAJ taldea), Agurtzane NuñezYarza (EAJ taldea), Nuria Carbonell Miranda (EAJ taldea), Aitzol Arocena Zufiria (EAJ taldea) eta Jaime Peon Ormazabal (EAJ taldea). Guztira, kontrako 5 bozka.

Ondorioz, gehiengoz onartua izan da ondorengo:

- Urtean 1592 lanorduko egutegia.
- 3 egun "Udala itxita": Corpusaren hurrengo ostirala, abenduaren 24a eta 31.
- 7 ordu eta laurdeneko lanaldia.
- 7 ordu eta laurdeneko lanaldia aplikatuta 1592tik gora sartutako orduak jaiegunekin edo ordu libreekin konpentsagarriak izango dira.

3.- UDAL LANPOSTUEN ZERRENDA ALDATZEKO PROPOSAMENA, INGURUMEN ETA LANDA GARAPENEN TEKNIKARI LANPOSTUA SORTZEKO.

Alkateak hitza eman dio Idazkariari eta horrek egun berean egindako txostena irakurtzeari ekin dio; izan ere, antzemandako zenbait arau-hauste eta akatsen berri eman nahi du Udalbatzak bere akordioa jakintasun osoz har dezan. Era berean, azaldu du ezin izan duela txostena alde aurretik egin, batez ere osoko bilkuraren deialdia egin aurretik, gaiaren gainean egindako negoziazio-mahaia eta pertsonaleko batzordea data horren ondoren egin baitira.

Behin Idazkari Kontu-hartzaileak bere txostena irakurtzeaz bukatzean, Alkateak azaldu du programa hori bukatzeaz dagoela eta, beraz, ikusita herriaren eta Udalaren

beharrak, beharrezkoa dela lanpostua sortzea, lanpostuen zerrenda aldatzeko dagokion prozedura izapidetuz.

Rafael Uribarren zinegotziak erantzun du programa duela urtebete amaitu zela, Idazkaritzak bere txostenetan alegatutakoaren arabera. Horri Alkateak erantzun dio Euskal Enplegu Publikoaren Legeak programa beste urtebetez luzatzeko ahalmena ematen duela. Idazkariak erantzun dio aipatzen duen lege hori 2022ko abenduaren 27an sartu zela indarrean, eta programa beste urtebetez luzatzea erabaki zuen ebazpena (lau guztira) 2022ko ekainean hartu zela.

Nuria Carbonell zinegotziak hitza hartu du eta azaldu du bai Osoko Bilkuraren deialdia egiterako momentuan bai atzoko egunean, Pertsonaleko Batzordea egin zeneko egunean, espedientea osatu gabe eta kontraesan ugarirekin zegoela. Batetik, negoziatio-mahaia deialdia Osoko Bilkuraren egin baino egun bat ondoren egin zen eta Pertsonaleko batzordea deialdia egin baino bi egun eta gero, Osoko bilkura baino egun bat lehenago. Bestetik, prozedura hasten duen beharraren txostenak (deialdiarekin bidali zen dokumentu bakarra) “teknikari” bati buruz hitz egiten du. Hala jasotzen da ere Osoko bilkuraren gai zerrendan; aitzitik, proposamena C1ekoa da, administraria. Ikusita Alkatezaren azkeneko proposamena C1eko lanpostua sortzearena dela, ulertzen da ez dagoela azkeneko proposamen horren gaineko justifikazio-txostenik.

Nuria Carbonellek esandakoari Alkateak erantzun dio esanez “dinamizatzaile” izena jarriko zaiola postuari, ez “teknikari” ez “administrari”.

Nuria Carbonellek adierazten du ez dela izenaren arazoa soilik, baizik eta bestelako kontraesanak ere badaudela Alkatezaren planteatutako proposamenean, esaterako: Idazkariak destino-osagarriaren gainean adierazitakoa, lanpostuari eman nahi zaizkion funtzioak eta C1 klasifikazioa...

Rafael Uribarren zinegotziak hitza hartu du eta adierazi du Idazkari Kontu-hartzaileak lehenago irakurritako txostenean adierazitako akatsak eta kontraesanak argitu eta zuzendu behar direla, legearen eskutik joan behar dela. Hortaz, EAJren adostasuna Idazkari Kontu-hartzaileak adierazitako baldintza horiek betetzera baldintzatuta egongo dela, bitartean indargabe egonik.

Alkateak Rafael Uribarren zinegotziak esandakoarekin desadostasuna adierazi du, bere nahia baita indarrean egotea gaurko egunetik, hots, lanpostuen zerrendan txertatuta geratzea akordioa hartzen den egunetik.

Rafael Uribarrenek, ikusita Alkateak ez duela onartzen EAJren adostasunerako baldintza, hots, Alkatezaren egindako proposamena Idazkari Kontu-hartzaileak adierazitakoaren arabera zuzentzea, bitartean indargabe egonik, puntu honen xede den gaia mahai gainean geratzea eskatu du, kontuan izanda espedientearen izapidetze arau-haustea eta gabeziak.

Horiek horrela, Toki Erakundearen Antolaketa, Funtzionamendu eta Araubide Juridikoaren Erregelamendua onartzen duen azaroaren 28ko 2568/1986 Errege Dekretuaren 92.1 artikuluan xedatutakoa betetzeko, osoko bilkurak gai-zerrendako puntu honen gaia mahai gainean uzteko eskaera bozkatu du, eta honako hau izan da emaitza:

EBAZPENA



ANOETAKO
UDALA

ALDEKO BOZKAK: Rafael Uribarren Axpe (EAJ taldea), Agurtzane NuñezYarza (EAJ taldea), Nuria Carbonell Miranda (EAJ taldea), Aitzol Arocena Zufiria (EAJ taldea) eta Jaime Peon Ormazabal (EAJ taldea). Guztira, aldeko 5 bozka.

KONTRAKO BOZKAK: Pedro M^a Estanga Lasa (EH Bildu taldea), Saioa Tolosa Zubelzu (EH Bildu taldea), Esther Iztueta Zelaia (EH Bildu taldea), Aitzol Esnaola Zubeldia (EH Bildu taldea), Amaia Urkola Arocena (EH Bildu taldea), Mikel Olano Aburuza (EH Bildu taldea). Guztira, kontrako 6 bozka.

Ondorioz, gehiengoz baztertua izan da gaia mahai gainean uzteko eskaria.

Ondoren, gai-zerrendako puntu honen xede den gaia bozkatu da, lehen proposatu bezala, eta bozketaren emaitza honako hau izan da:

EBAZPENA

ALDEKO BOZKAK: Pedro M^a Estanga Lasa (EH Bildu taldea), Saioa Tolosa Zubelzu (EH Bildu taldea), Esther Iztueta Zelaia (EH Bildu taldea), Aitzol Esnaola Zubeldia (EH Bildu taldea), Amaia Urkola Arocena (EH Bildu taldea), Mikel Olano Aburuza (EH Bildu taldea). Guztira, aldeko 6 bozka.

KONTRAKO BOZKAK: Rafael Uribarren Axpe (EAJ taldea), Agurtzane NuñezYarza (EAJ taldea), Nuria Carbonell Miranda (EAJ taldea), Aitzol Arocena Zufiria (EAJ taldea) eta Jaime Peon Ormazabal (EAJ taldea). Guztira, kontrako 5 bozka.

Ondorioz, gehiengoz onartua izan da ondorengoa:

LEHENENGOA. Ingurumen eta landa garapen dinamizatzaileria lanpostua sortzea eta, beraz, lanpostuen zerrendan txertatzea.

BIGARRENA. Idazkari Kontu-hartzaileak bere txostenean jasotako akatsak eta kontraesanak zuzentzeko konpromisoa hartzea.

II. GOBERNU ORGANOEEN KONTROLA ETA FISKALIZAZIOA

ALKATETZA

4.- ALKATETZAREN EBAZPENEN BERRI EMATEA.

Alkateak 2023ko apirilaren 16tik 2023ko maiatzaren 15a bitarte, biak barne, emandako ebazpenen berri eman da eta zinegotziak jakinaren gainean geratu dira.

ANTOLAKUNTZA

5.- KONTROL-ORGANOAK EGINDAKO ERAGOZPENEZKO TXOSTENEN AURKA ALKATEAK EMANDAKO EBAZPENEN BERRI EMATEA.

Gipuzkoako Lurralde Historikoko Toki Erakundeen Aurrekontuei buruzko abenduaren 19ko 21/2003 Foru Arauaren 70.6 artikuluan eta Gipuzkoako Lurralde Historikoko Toki Erakundeen Aurrekontuei buruzko 21/2003 Foru Arauaren 12. artikuluan xedatutakoa jarraituz, kontrol-organoak lehengo Osoko Bilkuratik egindako eragozpen-txostenen aurka Alkateak emandako ebazpenen berri ematen zaio Korporazioari (aurreko puntuan berri eman direnen artekoak):

208. DEKRETUA		
2023.04.26		
Hartzekodunak	IFZ / IFK	
SDI SERVICIOS DESINFECCIÓN INTEGRAL, S.L.	B20752010	
Prozedura		
Faktura kontratu txikietan onartzea		
Kontzeptua	Faktura	Zenbatekoa (BEZ barne)
Legionela	L-021-23	565,37 €

Laburpena
Idazkaritza Kontu-hartzaileak 2023ko apirilaren 26an egindako eragozpenezko txostena.

Eragozpenak:

- Kontratu txikiek ezin dute urtebeteko iraupena gainditu, eta ezin dira erabili errepikatzen diren prestazioak kontratatzeko; zerbitzua lizitazio publikora atera beharko litzateke.
- Ez dago fakturari estaldura juridikorik ematen dion ez dokumenturik, ezta espedienterik ere. SDI Servicios Desinfección Integral, S.L. enpresarekin formalizatutako kontratua (legez kanpokoa, ondoren azalduko denaren arabera) 2021eko abenduaren 31n amaitu zen; harrezkerotik Anoetako Udalak SDI Servicios Desinfección Integral, S.L. enpresaren zerbitzua jasotzen jarraitu du, inolako estaldura juridikorik gabe.
- Gainera, kontratu txiki hori ez zen lehenengoa. Aitzitik, Idazkaritza-kontuhartzaileak honek ikusi ahal izan duenez, badaude beste hainbat kontratu txiki, kontratazio hau gutxienez 2014tik (martxoaren 31ko dekretua) kontratu txikiren bidez kateatzen joan dela adierazten dutenak.
- 2023an, gainera, ez dago oinarri formala ematen dion kontratu irregularrik ere; aitzitik, zerbitzua alde aurreko kontraturik gabe eman da.

209. DEKRETUA		
2023.04.26.		
Hartzekodunak	IFZ / IFK	
LANDARRI SLU	B20531448	
Prozedura		
Faktura kontratu txikietan onartzea		
Faktura zenbakia	Bidalketa data	Zenbatekoa (BEZ barne)
2301988066	2023.01.27	305,89 €
Laburpena		

Idazkaritza Kontu-hartzaitzak 2023ko apirilaren 26an egindako eragozpenezko txostena.

Goian aipatutako gastuak ez du inolako oinarririk, 2021ean irregularki esleitutako kontratuaren iraupena 2021eko abenduaren 31n bukatu baitzen.

2021eko urtarrilaren 18an egindako esleipen dekretuan ebatzi zen “Anoetako hilerriko lanak aurrera eramateko zerbitzua kontratu txikiaren bidez (B20531448) Landarri, S.L. enpresari esleitzea, bere eskeintzaren arabera ondorengo prezioen truke...”. Dekretu horretan jasotzen zen legez, “Kontratu txikia da, SPKLren 131.3 artikuluan ezarritakoaren arabera, eta beraz ezingo du urte beteko iraupena baino gehiago izan, aipatu Legearen 29.8. artikuluaen arabera”. Halaber, honakoa jasotzen zen: “Kontratuaren iraupena 2021eko urtarrilean 1etik abenduaren 31^a artekoa izango da, kontratu honek ezin du urtebeteko iraupena baino gehiago izan eta ez da luzagarria izango”.

Gainera, kontratu txiki hori ez zen lehenengoa. Aitzitik, Idazkaritza-kontuhartzaitza honek ikusi ahal izan duenez, badaude beste hainbat kontratu txiki, kontratazio hau gutxienez 2017tik kontratu txikiren bidez kateatzen joan dela adierazten dutenak: 2017ko otsailaren 1eko dekretua, 2019ko otsailaren 12koa, 2020ko otsailaren 5koa...

Hortaz, argi dago urtez urte enpresa berarekin kontratatu den zerbitzua dela, publizitate- eta lehia-printzipioak betetzen direla bermatzeko beharrezko lizitazio-prozedurarik izan gabe, eta lizitazio-prozedura egokiaren bidez esleitu gabe, 9/2017 Legearen 131. artikuluan ezarritakoaren arabera.

2023an, gainera, ez dago oinarri formala ematen dion kontratu irregularririk ere; aitzitik, zerbitzua alde aurreko kontraturik gabe eman da.

210. DEKRETUA

2023.04.26

Hartzekodunak	IFZ / IFK
MUNDU MIRA KOOP. ELK.	F75054122

Prozedura

Faktura kontratu txikietan onartzea

Kontzeptua	Faktura	Zenbatekoa (BEZ barne)
Mundu Mira Koop. Elk. Komunikazio aholkularitza zerbitzua.	23016	1.023,45 €

Laburpena

Idazkaritza Kontu-hartzaitzak 2023ko apirilaren 26an egindako eragozpenezko txostena.

2021eko urtarrilaren 8ko dekretu bidez Mundu Mira Koop. Elk. enpresari esleitu zitzaion kontratua komunikazio-aholkularitza zerbitzua emateko. Kontratu hori 2021eko abenduaren 31a arte egon zen indarraldian. Horrezkerotik, enpresa berdinak komunikazio-aholkularitza zerbitzua ematen jarraitu du, inolako kontratu-oinarririk gabe, eta hilabetero enpresak helarazitako fakturak iritsi dira.

Anoetako komunikazio-aholkularitza zerbitzua inolako legezko euskarririk gabe eman eta jaso da 2022ko urtariletik geroztik. Hortaz, aurretik esandako guztia kontuan hartuta, Anoetako Udalak kontratazio publikoa arautzen duen legedia eta oinarritzko printzipioak urratu ditu. Izan ere, SPKLren 132. artikuluan xedatutakoaren arabera, “kontratazio-organismoek berdintasuneko eta diskriminaziorik gabeko tratamendua emango diete lizitatuzaileei eta hautagaiei, eta gardentasun- eta proportzionaltasun-printzipioen arabera jardungo dute (...) Kontratazioa ez da sortuko publizitate-betekizunak edo dagokion esleipen-prozedurari dagozkionak saihesteko asmoz, ezta lehia artifizialki murrizteko asmoz ere, enpresaburu jakin batzuei bidegabeki mesede edo kalte eginez”.

SPKLren 131.2 artikuluan ezarritakoaren arabera, “Esleipena egiteko, kalitate-prezio erlazio onenaren printzipioan oinarritutako hainbat esleipen-irizpide erabiliko dira normalean, eta prozedura irekia edo murriztua erabiliko da, IV. eranskineko zerbitzu bereziak emateko kontratuak izan ezik, azken horiek azken prozedura horren bidez esleituko baitira”.

Gainera, “Legez ezarritako prozedura erabat alde batera utzita emandako” kontratuak erabat nuloak dira, Administrazio Publikoen Administrazio Prozedura Erkidearen urriaren 1eko 39/2015 Legearen 47.1.e) artikuluaen eta SPKLren 39.1. artikuluaen arabera.

Ondorioz, goian adierazitako fakturaren ordainketa ez da oinarritzen gaur egun indarrean dagoen Sektore Publikoko legedian, ez kontratu txikiei buruzko otsailaren 28ko 1/2019 Jarraibidea argitaratzen duen Kontratazioa

Arutzeko eta Ikuskatzeko Bulego Independentearen (OIREsCon) 2019ko martxoaren 6ko Ebazpenean, ezta Anoetako Udaleko kontratu txikiak arautzen dituen 1/2021 Jarraibidean ere, eta horietan jasotakoaren kontrakoa da; beraz, ez onargarria. Anoetako Udalak komunikazio-aholkularitza zerbitzua prozedura irekiaren edo murriztuaren bidez esleitu behar zuen bere momentuan, beti ere kontratuen ezaugarrien, iraupenaren edota prezioaren arabera, oraingo honetan egin duen bezala.

211. DEKRETUA

2023.04.26

Hartzekodunak	IFZ / IFK
TOLOMENDI Tolosaldeko Landa Garapen Elkartea	G20326237

Prozedura

Faktura kontratu txikietan onartzea

Kontzeptua	Faktura	Zenbatekoa (BEZ barne)
IKT dinamizazio eta aholkularitza zerbitzua.	F-11	2.023,80 €

Laburpena

Idazkaritza Kontu-hartzailtzak 2023ko apirilaren 26an egindako eragozpenezko txostena.

Eragozpenak:

- Kontratu txikiak ezin dute urtebeteko iraupena gainditu, eta ezin dira erabili errepikatzen diren prestazioak kontratatzeko. Dinamizazio eta aholkularitza lana lizitazio publikora atera beharko litzateke.
- Ez dago fakturari estaldura juridikorik ematen dion dokumenturik, ezta espedienterik ere. Tolomendirekin formalizatutako kontratua (legez kanpokoa, ondoren azalduko denaren arabera) 2021eko abenduaren 31n amaitu zen; horrezkerotik Anoetako Udalak Tolomendi enpresaren zerbitzua jasotzen jarraitu du, inolako estaldura juridikorik gabe.
- Urtez urte enpresa berarekin kontratatu den zerbitzua da, publizitate- eta lehia-printzipioak betetzen direla bermatzeko beharrezko lizitazio-prozedurarik izan gabe.
- Anoetako Udalak kontratazio publikoa arautzen duen legedia eta oinarriko printzipioak urratu ditu, goian adierazitako gastua ez baita oinarritzen gaur egun indarrean dagoen Sektore Publikoko legedian, ez kontratu txikiei buruzko otsailaren 28ko 1/2019 Jarraibidea argitaratzen duen Kontratazioa Arutzeko eta Ikuskatzeko Bulego Independentearen (OIREsCon) 2019ko martxoaren 6ko Ebazpenean, ezta Anoetako Udaleko kontratu txikiak arautzen dituen 1/2021 Jarraibidean ere, eta horietan jasotakoaren kontrakoa da; beraz, ez onargarria.
- Anoetako Udalak IKT dinamizazio eta aholkularitza zerbitzuak prozedura irekiaren edo murriztuaren bidez esleitu behar izango litzuzke, beti ere kontratuen ezaugarrien, iraupenaren edota prezioaren arabera.
- Kontraturik ez dagoenez, eta, beraz, kontratuaren prezioa eguneratzeko formularik ez dagoenez, ezin da inola ere ordaindu zerbitzuak ematen dituen pertsonaren soldata-igoeragatiko gastuak.

212. DEKRETUA

2023.04.26

Hartzekodunak	IFZ / IFK
SARENET, SAU	A48714489

Prozedura

Faktura kontratu txikietan onartzea

Kontzeptua	Faktura	Zenbatekoa (BEZ barne)
Telefono zenbakien eramangarritasuna	P23032279	97,31 €

Laburpena

Idazkaritza Kontu-hartzaitzak 2023ko apirilaren 26an egindako eragozpenezko txostena.

Eragozpenak:

- Orain arte Sarenet, S.A.U. enpresak helarazitako fakturretan “telefono zenbakien eramangarritasuna” kontzeptua jasotzen zen; 2023ko lehenengo fakturan kontzeptuz aldatu da, “Serbidorearen segurtasun kopien mantenua” kontzeptua erabilia. Nahiz eta kontzeptua desberdina izan, zerbitzuak bera izaten jarraitzen du, zenbateko berberetatik.
- Ordainketa-agindua nuloa da, gastu horri estaldura ematen dion kontratazio-prozedura ez delako legearen araberakoa;
- Udaleko telefonozko komunikazioak eta, horren barne, telefono zenbakien eramangarritasuna, Gipuzkoako Foru Aldundiko Kontratazio Zentralaren bidez kontratatua dago;
- Goian adierazitako zerbitzu-kontratua ezin da kontratu txiki bidez esleitu, segidako traktuzko prestazio errepikaria delako;
- Gainera, 2021eko kontratu txikia ez da SARENET, S.A.U. enpresaren alde eta xede berdinerako (telefono zenbakien eramangarritasuna) egiten den lehena, baizik eta lehenagoko beste batzuk ere badaudela: 2020ko maiatzaren 21eko dekretua, 2019ko otsailaren 6koa eta 2018ko martxoaren 8koa.

213. DEKRETUA

2023.04.26

Hartzekodunak	IFZ / IFK
EGOITZ JAUREGI ITURRIOZ	72507188X
ME	Zenbatekoa
210-2023	169,48 €
211-2023	169,48 €

Kontzeptua

Udalak Bake-epaitegiko idazkariari ordaindutako ordainsari osagarria

Laburpena

Idazkaritza Kontu-hartzaitzak 2023ko apirilaren 26an egindako eragozpenezko txostena.

Bake-epaitegiko idazkari funtzioak betetzen dituen pertsona ez da udal-funtzionario bat; beraz, Estatuko Administrazioak kargua betetzeagatik ematen duen ordainsaria jasotzeko eskubidea baino ez du, eta Udalak ezin dio aparteko ordainsaririk ordaindu, ez baita udal-administrazioan integratzen.

219. DEKRETUA

2023.04.27

Hartzekodunak	IFZ / IFK	
TARTE KOOP. ELK.	F20180899	
Prozedura		
Faktura kontratu txikietan onartzea		
Kontzeptua	Faktura	Zenbatekoa (BEZ barne)
Kiroldegiko ur bero eta berokuntza sistemen mantenu-zerbitzua	062	813,30 €

Laburpena

Idazkaritza Kontu-hartzaitzak 2023ko apirilaren 27an egindako eragozpenezko txostena.

Eragozpenak:

- Ordainketa-agindua ez da onargarria, ez baitago gastu horri estaldura ematen dion kontratazio-prozedurarik;

- Kiroldegiko ur bero eta berokuntza sistemen mantenu-zerbitzua ezin da kontratu txiki bidez esleitu, segidako traktuzko prestazio errepikaria delako;

- Fakturak ez du betetzen kontratazio publikoa arautu behar duen "zerbitzu eginaren printzipioa", hots, ez du betetzen administrazio-kontratuetatik eratorritako betebeharrak ekonomikoak betetzeari eta ordaintzeari buruzko araubide juridikoa, Sektore Publikoko Kontratuen azaroaren 8ko 9/2017 Legean jasotakoa.

220. DEKRETUA

2023.04.27

Hartzekodunak	IFZ / IFK
TARSAT	B20765665
Prozedura	Zenbatekoa (BEZ barne)
Faktura kontratu txikietan onartzea	496,10 €
Kontzeptua	Faktura
Kiroldegiko ur bero eta berokuntza sistemen mantenu-zerbitzua	31/23

Laburpena

Idazkaritza Kontu-hartzaitzak 2023ko apirilaren 27an egindako eragozpeneko txostena.

2014ko urtarrilaren 1ean Anoetako Udalak kontratua sinatu zuen Calefacción Tarsat, S.L. enpresarekin. Horrezkerotik, enpresa berdinak zerbitzu bera ematen jarraitu du, inolako kontratu-oinarririk gabe, eta hilabetero enpresak helarazitako fakturak iritsi dira, goian adierazitakoa 2022ko bigarrena izanik.

Anoetako kiroldegiko ur bero eta berokuntza sistemen mantenu-zerbitzua inolako legezko euskarririk gabe eman eta jaso da 2015ko urtarriletik geroztik. Hortaz, aurretik esandako guztia kontuan hartuta, Anoetako Udalak kontratazio publikoa arautzen duen legedia eta oinarritzko printzipioak urratu ditu. Izan ere, SPKLren 132. artikuluan xedatutakoaren arabera, *“kontratazio-organoek berdintasuneko eta diskriminaziorik gabeko tratamendua emango diete lizitatzailerei eta hautagaiei, eta gardentasun- eta proportzionaltasun-printzipioen arabera jardungo dute (...) Kontratazioa ez da sortuko publizitate-betekizunak edo dagokion esleipen-prozedurari dagozkionak saihesteko asmoz, ezta lehia artifizialki murrizteko asmoz ere, enpresaburu jakin batzuei bidegabeki mesede edo kalte eginez”*.

SPKLren 131.2 artikuluan ezarritakoaren arabera, *“Esleipena egiteko, kalitate-prezio erlazio onenaren printzipioan oinarritutako hainbat esleipen-irizpide erabiliko dira normalean, eta prozedura irekia edo murriztua erabiliko da, IV. eranskineko zerbitzu bereziak emateko kontratuak izan ezik, azken horiek azken prozedura horren bidez esleitu bainira*”.

Gainera, *“Legez ezarritako prozedura erabat alde batera utzita emandako”* kontratuak erabat nuloak dira, Administrazio Publikoen Administrazio Prozedura Erkidearen urriaren 1eko 39/2015 Legearen 47.1.e) artikulua eta SPKLren 39.1. artikulua arabera.

Ondorioz, goian adierazitako fakturaren ordainketa ez da oinarritzen gaur egun indarrean dagoen Sektore Publikoko legedian, ez kontratu txikiei buruzko otsailaren 28ko 1/2019 Jarraibidea argitaratzen duen Kontratazioa Arautzeko eta Ikuskatzeko Bulego Independentearen (OIREsCon) 2019ko martxoaren 6ko Ebazpenean, ezta Anoetako Udaleko kontratu txikiak arautzen dituen 1/2021 Jarraibidean ere, eta horietan jasotakoaren kontrakoa da; beraz, ez onargarria. Anoetako Udalak adierazitako zerbitzua prozedura irekiaren edo murriztuaren bidez esleitu behar zuen bere momentuan, beti ere kontratuen ezaugarrien, iraupenaren edota prezioaren arabera, oraingo honetan egin duen bezala.

221. DEKRETUA

2023.04.27.

Hartzekodunak	IFZ / IFK	
LANDARRI SLU	B20531448	
Prozedura		
Faktura kontratu txikietan onartzea		
Faktura zenbakia	Bidalketa data	Zenbatekoa (BEZ barne)

2301988043	2023.03.16	273,68 €
------------	------------	----------

2301988044	2023.03.16	273,68 €
------------	------------	----------

Laburpena

Idazkaritza Kontu-hartzaitzak 2023ko apirilaren 27an egindako eragozpenezko txostena.

Goian aipatutako gastuak ez du inolako oinarririk, 2021ean irregularki esleitutako kontratuaren iraupena 2021eko abenduaren 31n bukatu baitzen.

2021eko urtarrilaren 18an egindako esleipen dekretuan ebatzi zen “Anoetako hilerriko lanak aurrera eramateko zerbitzua kontratu txikiaren bidez (B20531448) Landarri, S.L. enpresari esleitzea, bere eskeintzaren arabera ondorengo prezioen truke...”. Dekretu horretan jasotzen zen legez, “Kontratu txikia da, SPKLren 131.3 artikuluan ezarritakoaren arabera, eta beraz ezingo du urte beteko iraupena baino gehiago izan, aipatu Legearen 29.8. artikuluaen arabera”. Halaber, honakoa jasotzen zen: “Kontratuaren iraupena 2021eko urtarrilean 1etik abenduaren 31^a artekoa izango da, kontratu honek ezin du urtebeteko iraupena baino gehiago izan eta ez da luzagarria izango”.

Gainera, kontratu txiki hori ez zen lehenengoa. Aitzitik, Idazkaritza-kontuhartzaitza honek ikusi ahal izan duenez, badaude beste hainbat kontratu txiki, kontratazio hau gutxienez 2017tik kontratu txikiaren bidez kateatzen joan dela adierazten dutenak: 2017ko otsailaren 1eko dekretua, 2019ko otsailaren 12koa, 2020ko otsailaren 5koa...

Hortaz, argi dago urtez urte enpresa berarekin kontratatu den zerbitzua dela, publizitate- eta lehia-printzipioak betetzen direla bermatzeko beharrezko lizitazio-prozedurarik izan gabe, eta lizitazio-prozedura egokiaren bidez esleitu gabe, 9/2017 Legearen 131. artikuluan ezarritakoaren arabera.

2023an, gainera, ez dago oinarri formala ematen dion kontratu irregularririk ere; aitzitik, zerbitzua alde aurreko kontraturik gabe eman da.

225. DEKRETUA

2023.04.28

Hartzekodunak	IFZ / IFK
JOSE MIGUEL OTAÑO GARCIARENA	72445464H
ADO	Zenbatekoa
“P” fasea	1.920,19 €

Kontzeptua

Jose Miguel Otaño Garciarenaren nomina: 2023ko apirileko nomina.

Laburpena

Idazkaritza Kontu-hartzaitzak 2023ko apirilaren 28an eragozpenezko txostena egin zuela adieraziz, besteak beste: gaur egun Jose Miguel Otaño Garciarenak duen kontratuak ez dituela betetzen programa bitarteko izendapen batek bete behar dituen betekizunak, barneratzen dituen ekintzak ezin direlako aldi batekoak, baizik eta ohiko ekintzak eta eginkizunak, 2019tik (gutxienez) kontratatzen eta ematen etorri direnak; Jose Miguel Otaño Garciarena urteetan zehar kontratatzeko “programa” baten barruan ezkatutako legez kontrako kontratazio kateatuak direla eta, hortaz, Anoetako Udala lege-iruzurra egiten ari dela; Jose Miguel Otaño Garciarenak betetze dituen eginkizunak egiturazkoak direla eta, beraz, horiek berriro ere kontratatu nahi balira, Udalak lanpostua sortu beharko lukeela (lanpostuen zerrendan eta plantilla organikoan), eta ondoren lan-eskaintza publikoaren bidez dagokion deialdia egin.

226. DEKRETUA

2023.04.28

Hartzekodunak	IFZ / IFK
---------------	-----------

MADDI SARASOLA EIZMENDI	44332401Q
ADO	Zenbatekoa
“P” fasea	2.267,21 €

Kontzeptua

Maddi Sarasola Eizmendiren nomina: 2023ko apirileko nomina.

Laburpena

Idazkaritza Kontu-hartzaitzak 2023ko apirilaren 28an eragozpenezko txostena egin zuen adieraziz, besteak beste: “I. Enplegatu Publikoaren Oinarriko Estatutua garatzen duen eta programa-kontratuen luzapena ahalbidetzen duen Funtzio Publikoaren Lege aplikagarriak ezean, urriaren 30eko 5/2015 Legegintzako Errege Dekretuak 10.1.c) artikuluan jasotako luzapen aukera ez da aplikagarria. II. Programa-kontratuen gehieneko iraupena hiru urtekoa da. III. Maddi Sarasola Eizmendiren programa-kontratuak aurreko epea gainditu du eta, beraz, gaurko egunetik aurrerako egoera eta horretarako Alkateak egindako eginbideak erabat deusezak dira. IV. Gehieneko iraupen-epea ez betetzeagatik ordaindu beharreko kalte-ordainaren gaineko erantzukizuna Alkatearena da; izan ere, Alkatea da, jakinda araudia guztiz urratzen duela, Maddi Sarasola Eizmendiren kontratua luzatzea erabaki duena”. Hori dela eta, 32/2018 Foru Dekretuak, abenduaren 27koak, Gipuzkoako Lurralde Historikoko Tokiko Sektore Publikoko entitateen barne kontrolaren araubide juridikoa erregulatzen duenak eta Gipuzkoako toki entitateen kontabilitatearen arau esparrua ezartzen duen abenduaren 15eko 86/2015 Foru Dekretua aldatzen duenak, bere 12. artikuluan xedatutakoa –zehazki, hirugarren paragraforaren b. eta c. letretan–, 21/2003 Foru Arauaren 70.3 artikuluan jasotakoarekin batera, Idazkari Kontu-hartzaile honek gastu-espediterearen izapidetzea eteten duen eragozpena jartzen du, adierazitako akatsa zuzendu arte.

Zinegotziak jakinaren gainean geratu dira, galderarik egin gabe.

Alkateak, bestalde, argitu du, legegintzaldia ekainean amaitu denez, dagoeneko jakinarazi diola Mundu Mira enpresari bere zerbitzuen kontratazioarekin amaitzeko borondatea. Era berean, aipamen berezia egin dio 2023ko maiatzaren 15eko 258. Dekretuari. Dekretu horren bidez, 2023ko martxoaren 30eko Osoko Bilkuran jorratu zen desadostasunari, martxoaren 1eko Alkatetzaren Dekretuaren eta 2023ko martxoaren 27an Idazkaritza Kontu-hartzaileak emandako eragozpen txostenaren artekoari, konponbidea eman nahi zaio. Rafael Uribarren zinegotziak hitza hartu du eta, Alkateak esandakoari erantzunez, adierazi du bere taldeak hausnarketa egin zuela azkeneko Osoko bilkura ostean, eta gai hori berriro jorratzeko osoko bilkura bat eskatzeko beharra ikusi zuela; aitzitik, ikusita 258. Alkatetzaren Dekretuz emandako irtenbidea, horrekin ados dago.

MOZIOAK ETA INTERPELAZIOAK

Ez dago.

GALDE-ERREGUAK

6.- GALDE-ERREGUAK.

Ez dago.



Eta aztertzeko gai gehiago ez denez egon, Alkate-lehendakariak, Udalbatzara bertaratu direnei eskerrak emanaz, batzarraldia amaitutzat eman du akta honen goialdean adierazitako eguneko arratsaldeko 19:08etan. Idazkari naizen honek akta hau egin eta bertan jasotako guztia ziurtatzen dut.

Idazkari Kontu-hartzailea

Erika Sagarzazu Camino